

四庫全書

集部

# 欽定四庫全書

集部

御定歷代題畫詩類卷一百

三至  
六

詳校官刑部侍郎<sub>臣</sub>李封

主事銜<sub>臣</sub>徐以坤覆勘

總校官降調編修<sub>臣</sub>倉聖脉

校對官中書<sub>臣</sub>高 中

謄錄監生<sub>臣</sub>黃廷鳳

欽定四庫全書

御定歷代題畫詩類卷一百三目錄

獸類

題劉景明百馬圖扇面

宋楊萬里

題百馬圖

元舒遜

百馬圖

元貢性之

題百馬圖

元丁復

金世宗太子允恭百駿圖

元王逢

題郭誠之百馬圖

明張以寧

百馬圖

明王佐

百駿圖題楊太參軸

明王阜

題任少監百馬圖

明僧一初

詠伯時虎脊天馬圖

宋黃庭堅

趙際可天馬圖

元程鉅夫

天馬圖

元龔璘

龔翠巖天馬圖

元郭昇

題平章公所藏天馬圖

元戴良

題弗郎天馬圖

元丁鶴年

題漢天馬圖

元陸仁

題畫海南入貢天馬圖

元馬臻

高遜獻天馬圖歌

明詹同

題天馬圖

明僧淨慧

題御馬圖

元揭傒斯

春風御馬圖

元馬祖常二首

駿馬圖

元馬祖常

書駿馬圖

元陳深

唐太宗駿馬圖

元張昱

題士采駿馬圖

明陳道永

龍駒圖

元貢師泰

恭題文皇四駿圖

明張居正二首

錢舜舉摹李伯時畫鳳頭驄圖

元吳師道

題趙仲穆臨李伯時鳳頭驄圖

元鄭韶

趙仲穆臨李伯時鳳頭驄 元柯九思

趙仲穆臨李伯時鳳頭驄 元顧瑛

趙仲穆臨李伯時鳳頭驄 元吳克恭

趙仲穆臨李伯時鳳頭驄 元俞璵

趙仲穆臨李伯時鳳頭驄 元楊忠

王理之臨鳳頭驄 明沈周

二青圖 金趙秉文

題錢舜舉青馬圖 元丁復

錢舜舉青驄圖

元張伯淳

題崔錄事女真驄馬圖

元胡長孺

題徐復初參政驄馬圖

明貝瓊

題麝香驄馬圖

明張適

題正面黃

元楊維禎

次韻子瞻詠好頭赤圖

宋黃庭堅

題宣和所制赤駒圖

元張天英

題錢選臨曹將軍燕脂驄圖

元王惲二首



燕脂駿馬圖

元趙孟頫

題趙翰林畫桃花馬

元陳基

趙翰林桃花馬圖

元熊夢祥

題趙翰林桃花馬圖

元鄭東

題趙子昂桃花馬

元丁立

馬國瑞所題李龍眠畫赤黑二馬相戲卷子索詩

因題卷後

元成廷珪

題善道原韓幹黑馬圖

明唐同

題鐵色駒馬

元張翥

題背立驪

元楊維禎

韓幹畫照夜白圖

元王惲四首

題子昂照夜白

元戴表元

戲題明皇照夜白圖

元丁鶴年

題竹間翁白馬圖

元丁鶴年

玉腕騮圖

元吳師道

玉豹圖

元方回

奉題子昂騶馬圖

元楊維禎

題腰裏圖

宋秦觀

騾綱圖

元宋无

御定歷代題畫詩類卷一百三目錄

欽定四庫全書

御定歷代題畫詩類卷一百三

獸類

題劉景明百馬圖扇面

宋

楊萬里

霧鬣如無筆霜蹄不帶埃直將明眼看若箇是龍媒

題百馬圖

元

舒遜

詔許平戎罷戰還征鞍初卸汗初乾從今歸牧華山後  
只許丹青畫裏看

百馬圖

元 貢性之

烏桓城頭春雨晴烏桓城下春草生百靈長養少畋獵  
牧馬曉出烏桓城騰驍馳突各異態飢鬪渴飲仍縱橫  
胡兒獨誇好身手上馬捷若飛鳶輕青絲不鞚錦鞍卸  
什什伍伍爭先行胡官遙望拍手笑落日半照旌旗明  
憶昔開元全盛日四十萬匹俱龍精驕驕駉駉總神物  
駿氣上貫房垣星只今四海罷征戰含哺鼓腹歌昇平  
英雄用武已無地一月底用千里程丁寧伯樂儻一顧

爾價頓使千金增

題百馬圖

為南郭  
誠之作

元  
丁復

一馬百馬等馬爾百馬一馬勢態異龍眠老李意入神  
代北宛西無不至樓蘭失國龜茲墟玉門無關但空址  
蒲萄逐月入中華首宿如雲覆平地始皇長城一萬里  
漠雨平添窟中水將軍昔有李貳師尺筆長驅萬騏驎  
當時無乃或爾遺翫草翻沙縱眠戲就中驍黠嚙與踉  
或示仁柔奔且逝循坡屹立意度閒下首當膺若多智

昂頭振鬣彼者雄似恐世間無猛士輪臺詔下不更求  
蕃使往來知禮義不徒嫁女事烏孫祇以金繒相贈遺  
茫然圍牧不知誰牝牡驪黃交乳字世有伯樂不願逢  
御若王良空善技汗溝血珠胡爾為無能安並駕駘視  
唐家太平有天子開元天寶周四紀是時天下政無事  
深宮每欲妃子喜教之舞數政如此漁陽鼙鼓動地起  
祿兒見慣亦有以可憐零落四十匹後來值得田承嗣

金世宗太子允恭百駿圖

元王逢



金家武元靖燕徽嘗謂徽宗癖花鳥允恭不作大訓方  
畫馬却慕江都王此圖遺脫前後幅尚餘龍媒羣角逐  
息雞草黃霜殺殺王氣榮光等蕉鹿山人塵迷朔南目  
溪頭姑飲歸田犢

題郭誠之百馬圖

明張以寧

唐家羽林初百騎誰其畫之傳郭氏開元天廄四十萬  
爽氣雄姿那得似風鬃霧鬣四百蹄或飲或齧長鳴嘶  
或翹或俯或騰躍意態變化浮雲齊黃沙雲煖地椒濕

什什為曹競相及蹂躪秦原狐兔空蕩搖渭水蛟鼉泣  
前年括馬輸之官苜蓿開花春風閒民間一駿豈復有  
何如飽在圖中看郭君才越流輩百迴策蟻封人不識  
驂騑豈少伯樂無捲還畫圖三歎息

百馬圖

明王佐

蹄影參差踏軟紅曾觀萬馬擁飛龍旌旗不動金笳歇  
一片川原錦繡中

百駿圖題楊大參軸

明王阜

昔聞天寶沙苑陽牧養千馬皆乘黃霜蹄汗血欲超忽  
龍髻鳳臆思騰驤青驪紫燕高突兀蘭筋虎紋皆滅沒  
白魚弄影天上來玄兔生花月中出渴烏合踏森隊行  
雪髯霧鬣仍低昂祥雲滿身五花爛長庚墮地雙瞳光  
將軍當年妙無敵曾向龍池揮霹靂飛出天街十二閑  
洗空驟北三千匹恍疑太宗拳毛騮又訝汾陽獅子花  
同經百戰托生死一敵萬馬開風沙丹青流傳六百載  
美譽芳聲滿江海乾坤不廢少陵詩秋月華星吐光彩

我公何年得此圖應知意匠絕代無羣龍恍惚駭人目  
可與八駿合馳驅太平海宇無征戰百萬龍媒滿淮甸  
會見王良駕馭時春風立仗明光殿

題任少監百馬圖

明僧一初

燉煌水涸龍駒伏未央殿前秋草綠驢駝負石玉門關  
舊苑空餘三十六憶昔高皇馬百匹駒駉車府無監牧  
只留太僕掌天閑不許田鴛食民穀古來貴良不貴多  
須信儉餘奢不足任監手畫百驂駒五色如雲散平陸

八月風高水草甘飲嚙舒閒肆馳逐騅驪黃莫復辯  
水葉風花亂人目任公生遭太平世結思驅豪逞神速  
四海無虞百將閒無乃圖形華山麓吾聞善相東門京  
坐閱羣龍眼如燭白家口齒謝家髭皎皎那容在空谷  
爭如下乘得休安骨相雖凡好毛肉杏花煙外柳陰中  
韉絡無加飽芻粟嗚呼此畫世已稀徒有千金未輕鬻  
老矣支郎俊氣銷撫卷空歌天馬曲

詠伯時虎脊天馬圖

宋黃庭堅

筆端那有此十里在胷中四蹄雷電去一顧馬羣空誰能乘此物超俗駕長風逸材歸轡勒歲在執徐同

趙際可天馬圖

元程鉅夫

天馬出西極神龍不能追目為紫電光散作風雷飛天馬不常有畫中或見之見之夢寐不可得得之不用終何為穆王無復瑤池宴漢武秦皇不相見何當真馬生渥洼來與天子駕鼓車

天馬圖

元龔璘

人間能有幾天馬試問來從西極者二十萬衆從貳師  
攻破大宛僅得之執驅校尉奏妙選帝閑自此收權奇  
未央宮門銅作式矯矯如此龍八尺絆者自絆逸者逸  
不是老龔誰能得

龔翠巖天馬圖

元 郭 昇

髯龔畫馬師曹霸想見開元天寶年水滿曲江春草碧  
何知蜀棧上青天

題平章公所藏天馬圖

元 戴 良

君不見余吾水中天馬出赤鬣縞身朱兩翼割玉為鞍  
鞚不得錦衣使者捷若飛紫韁金勒看君騎却憶拂林  
初獻時鳳城五門平旦啓馳道行驕轡耳耳路旁見者  
誰不喜衆中牽出朝未央揮霧流沫滿道香毛帶恩波  
眩目一作日光龍眠老子識馬意行過天閑重回視白筆  
描成落人世我公購之灤水濱百金市畫冀得真奔霄  
追電何足云從今吹笛大軍起料知一日行千里

題弟郎天馬圖

元

丁鶴年



春明立仗氣如山  
顧盼俄空十二閑  
一去瑤池消息斷  
西風吹影落人間

題漢天馬圖

元陸仁

朱鬣衝風汗血斑  
遙思踣雪度龍關  
風塵四海兵戈滿  
未省將軍戰馬閒

題畫海南入貢天馬圖

元馬臻

余吾天馬生水中  
毛如潑墨耳插筒  
雄姿挺挺浴海氣  
一刷萬里追遺風  
九夷入貢賓來服  
畫出猶能駭人目

韓子休教喂地黃太僕能令飽梁肉誰憐東郊瘦馬碑  
斫如堵牆汗血力盡德不揚尚望明年春草長

高選獻天馬圖歌

明  
詹同

蜀人高選能畫馬令人往往愁龍化凡夫肉眼非方歟  
世間誰是識龍者前年曉御慈仁殿拂郎之國天馬獻  
蘭筋虎脊渥洼姿長風西來起雷電侍臣傳敕貌真龍  
周郎為圖圖最工玉堂學士揭曼碩早朝奏賦蓬萊宮  
當時觀者集如堵敕賜金盤五色露天馬出馳海子東

但見中天黑煙霧君不聞太宗奔虹赤玄宗照夜白唐  
初曾數江都王今之名畫亦難得吾聞高暹善草書墨  
池向復飛龍駒黃鶴樓中獻馬圖藩王一見極所娛天  
機剪取雲錦段玉盃分賜葡萄珠好去京師謁周郎應  
見揮毫九天上翠華所駕皆龍媒何事江南繪屏幃

題天馬圖

明  
僧淨慧

八尺飛龍十二閑飄飄來自崑崙山曾陪八駿崑崙頂  
肯逐羣雄草莽間落日倒行悲峻阪西風苦戰憶重關

拂郎可是無新貢天步於今正險難

題御馬圖

元  
揭傒斯

朱纓金絡轡黃帕錦鞍韉神閒意更逸初下赤墀前

春風御馬圖

二首

元  
馬祖常

龍種權奇十二閑進來新自玉門關連錢赭白生珠汗  
天子長楊羽獵還

春風楊柳華山陽肥澤都能照地光天下太平無汗血  
還堪立仗事君王

駿馬圖

元 馬祖常

天馬西來入帝閑  
風駿霧鬣駁文斑  
房星一夜光如水  
却怨龍媒萬里還

書駿馬圖

元 陳深

王良伯樂骨已朽  
曹霸丹青亦希有  
開圖歛見神駿姿  
對酒高歌雄劍吼  
祇今騏驥困鹽車  
落日長鳴漫昂首  
嗟嗟俗眼迷天機  
相士嫌貧馬嫌瘦

唐太宗駿馬圖

元 張昱

昭陵石刻今無有絹素乃能存不朽當時奇骨濟時艱  
駕馭盡入天人手隋家再世俱凡庸不知肘腋生英雄  
晉陽奮起六駿馬蹴蹋大海波濤紅帝王一出萬邦定  
干戈四指羣小空凌煙勲臣盡圖畫一旦肯遺汗血功  
嗚呼何從得此樣規模却與石刻同乃知帝王所馭是  
龍種豈可求之凡馬中唐家開基三百載展卷尚覺來  
英風

題士采駿馬圖

明

陳道永

貳師城裏馬如龍  
戰士將歸詣漢宮  
遣索新歌奏太廟  
綠楊青草暫嘶風

龍駒圖

元  
貢師泰

八尺龍駒未破鞍  
一人牽過萬人看  
自從夢入將軍筆  
青草落花生暮寒

恭題文皇四駿圖

錄二

明  
張居正

龍駒

鄭邨壩大戰胷堂著一  
箭都指揮丑丑拔箭

天馬徠翼飛龍蹄  
削玉耳垂筒碧月  
懸雙頰明星貫兩

曠文皇將士盡罷虎復有龍駒助神武流矢當宵戰不  
休汗溝血點桃花雨壩上摧鋒第一功策勲何必減元  
戎君不見虎士標形麟閣裏龍駒亦在畫圖中

棗騮

小河大戰宵堂著一箭後兩曲  
池一箭安順侯脫大赤拔箭

紫騮馬金絡月朝刷燕晡秣越倣儻精權奇超驤走滅  
沒當年萬馬盡騰空就中紫騮尤最雄戰罷不知身著  
箭飛來祇覺足生風北風獵獵吹原野長河水漸血流  
赭誰言百萬倒戈中猶有彎弧射鈎者



錢舜舉摹李伯時畫鳳頭驄圖

元吳師道

汴都五馬來西域當時總入龍眠筆  
錢郎摹得鳳頭驄  
想見羣中更竒特大宛渥洼挺龍種  
開元內殿森天骨  
超然意氣欲爭雄  
直比來儀稱瑞物  
宋人兵力非漢唐  
裕陵開邊徒擾攘  
鬼章成禽侈告廟  
于闐效職修來王  
吁嗟元祐乃如此  
信是當國謀謨良  
諸賢一去寧復得  
此馬不在吾何傷

題趙仲穆臨李伯時鳳頭驄圖

元鄭韶

蓬萊宮中春晝遲五馬曾閱李伯時天閑一一盡龍種  
獨愛鳳頭尤崛竒王孫歸臥江南日見之為爾生顏色  
乃知神駿世所憐仿佛明窗親貌得黃頭圍官頰且顏  
絳袍烏帶高帽尖是日牽來赤墀下黃門辟易爭觀瞻  
紅絲絡頭尾宰地玄雲滿身飛不起長鳴知是戀九重  
豈但一日行千里君不見春風立仗何駟駟龍文照地  
來房星何當中道為剪拂縱目平原春草青

趙仲穆臨李伯時鳳頭驄

元

柯九思

高帽黃顙款塞胡殿前引貢盡龍駒仗移天步臨軒看畫  
出韓生試馬圖

趙仲穆臨李伯時鳳頭驄

元  
顧瑛

君王不愛碧銜霞獨愛真龍被紫花珍重王孫親貌得  
錦巾祇送野人家

趙仲穆臨李伯時鳳頭驄

元  
吳克恭

今代王孫紫花馬分明貌得鳳頭驄寄來適對老支遁  
神駿固應清賞同

趙仲穆臨李伯時鳳頭驄

俞 獻

華萼樓前漲曉塵  
龍駒新刷五花文  
銀鞍羅帕今寥落  
嘶入沙場萬馬羣

趙仲穆臨李伯時鳳頭驄

元 楊 忠

宛西來貢鳳頭驄  
神氣飄飄欲化龍  
牽入九天深處過  
滿身雲影紫重重

王理之臨鳳頭驄

明 沈 周

宋家王孫趙仲穆  
畫馬畫形神亦足  
東崑王郎搦其本

筆精殊覺驚人目紙間突兀擁南山俗工紛紛手當縮  
此匹傳是鳳頭驄五花滿身雲簇簇請郎別圖唐舞馬  
逆胡教舞不肯服逆胡教舞不肯服大勝汚臣食其祿

二青圖

金  
趙東文

大青天驪之雲仍小青八尺猶龍騰三十年來無汗馬  
不將遺像鑄興陵

題錢舜舉青馬圖

元  
丁復

青馬自是天騏驎奚官引出羈絡新垂頭緩行意態馴

綠髮不動空無塵聖人不肯事東巡千里一日志莫信  
賴有吳興為寫真

錢舜舉青驄圖

元

張伯淳

翠鬣朱纓骨相殊貢來名種出單于唐韓宋李都休論  
且看錢家進馬圖

題崔錄事女真驄馬圖

元

胡長孺

天恩洽騎十二閑短策不知行路難漠漠空川望不盡  
電光掣過須臾間蹄高高屈汙溝出駿骨隱隱隆於山

窟泉沙草不得足勞多食薄心知慙十年甕牖間書瑟  
展卷見圖真太息女真年少面如盤華屋平生隔風日  
青驄肉破擁尻雕黃金校具褰緩拂三品芻豆空自多  
行見火花繞銅歷

題徐復初參政驄馬圖

明

貝瓊

青驄萬里來安西五花滿身玉削蹄將軍大雪騎出塞  
風鬃未洗龍城泥何人落筆通造化天上房星降中夜  
朱衣老奚驚有神不獨開元數曹霸漢南漠北千帳空

將軍賜爵論邊功此馬豈與凡馬同解鞍落日從遠放  
黃金臺高春草豐

題麝香驄馬圖

明張適

霧鬣風髯八尺驕身閒如染麝香毛明朝欲伐匈奴去  
萬里龍沙豈足勞

題正面黃

元楊維禎

鼎湖乘黃忽已仙龍池霹靂飛青天王臺萬里在足下  
青絲挽住春風前疑如長鶴靜不騫仗下肯受庸奴鞭



主恩一顧百金重不辭正面當君憐

次韻子瞻詠好頭赤圖

宋黃庭堅

李侯畫骨不畫肉筆下馬生如破竹秦駒雖入天馬圖

猶恐真龍在空谷精神權奇汗溝赤自有赤烏能逐日

安得身為漢都護三十六城看歷歷

亦畫肉一作不畫肉天馬一作天仗

自有赤烏一作有頭赤烏

題宣和所制赤駒圖

元張天英

房星委地生神駒衆馬不得相儔匹千里風輕白玉蹄

平淵春浴丹砂質自從長養入天閑振鬣長陪乘輿出  
未知赴敵見戈矛所慣承恩開警蹕嘶當落日近尊嚴  
氣抹長林動蕭瑟不慙芻豆飽微軀尚覬朝家三品秩  
宣和殿裏圖書暇親見圍人事爬櫛當時青海九萬餘  
未有一匹當宸筆臨軒睥睨迴出羣落紙須臾歛奔逸  
內侍傳宣賜近臣再拜奎光欲騰室秋深沙苑多疾藜  
夜半河南吹觱栗已詔民間置牧地如此龍媒敢輕失

題錢選臨曹將軍燕脂驄圖

二首元

王惲

涪翁醉草丹青引  
祕省珍藏獵騎圖  
老眼再觀知有數  
喜從唐本玩臨摹

龍種中來見異姿  
春風舞影下瑤池  
馬中岳湛錢郎筆  
寫盡坡仙七字詩

臘脂駿圖歌

元  
趙孟頫

騏驎騷裏世常有  
伯樂不生淹棧豆  
歛見此圖神自王  
權奇磊落龍為友  
隅目晶熒生紫光  
錦毛錯落蒙清霜  
霜蹄蹴踏寒玉響  
霧鬣振動秋風涼  
朝浴扶桑騰浩蕩

莫秣崑崙超象罔雄姿似隘六合小盛氣欲籛浮雲上  
嗅塵一歆驚肉飛奮迅不受人間韉豈惟萬馬羞欲死  
直與八駿爭先馳只今相者多舉肥歎息此圖誰復知  
君不見王處冲半生隱德真成癡

題趙翰林畫桃花馬

元 陳基

當時沙苑最權奇贈與吳興學士騎身上桃花千萬朵  
為渠圖寫墨淋漓

趙翰林桃花馬圖

元 熊夢祥

風翻細雨入天閑  
貌得權奇電影寒  
鳳閣春深人已遠  
空餘精彩匹曹韓

題趙翰林桃花馬圖

元 鄭東

昔共將軍戰陣間  
髑髏濺血上斑斑  
昆明池上教人洗  
選入天家十二閑

題趙子昂桃花馬

元 丁立

學士當年侍武王  
詔騎天馬入明光  
上林三月花如雨  
吹落金鞍片片香

馬國瑞所題李龍眠畫赤黑二馬相戲卷子索詩

因題卷後

元  
成廷珪

君不見項王烏騅如黑龍蹴踏萬里煙塵空五年乘之  
勇無敵七十二戰收奇功又不見白門赤兔來向東神  
物終屬雲長公百萬軍中刺名將疾如健鶻追秋風龍  
眠居士新貌得毛色意態將無同沙場無人白日靜平  
波淺草青茸茸雙蹄直立欲變化兩尾突起爭豪雄還  
君此圖三歎息此馬忽亡難再得江南異事人未知又

見麒麟出東壁

題善道原韓幹黑馬圖

明 詹 同

善家堂上書滿廚古今名畫頻卷舒我來一見韓幹筆  
龍精自與凡馬殊玄鬣披披首渴烏紫瞳皎皎雙明珠  
黑雲一片忽墮地房星半夜飛神都御溝流水柳千樹  
圉人騎出拂春露黃金腰帶素花衣馬上回頭看飛絮  
絲韁在手不敢縱追風恐過龍樓去君不見向來畫馬  
只畫肉神逸之氣多不足幹遺真蹟世所稀使我見此

思天育善家兄弟一馬驄此馬真與麒麟同白璧玉斗  
亦不換早晚持獻明光宮

題鐵色驄馬

元張翥

神厓黑龍時出水游此何年得其子是何毛骨如積鐵  
迴立長風獨竒偉霜蹄白鼻散五花倏見馬中真駟  
美髯奚官能剪拂不遣雲鬟浣泥滓少施控勒即飛騰  
唾尚不敢況敢捶馬生豈在粟一石不飽寧能見材美  
朝燕哺越信汝良安得壯士同生死阿師一室巾錫外



時展此圖臨燕几三生似是支道林愛馬芳心同若此  
平原豐草秋漠漠恍惚寒沙颯然起英雄有志在青雲  
老眼因之空萬里

題背立驪

元  
楊維禎

首昂渴鳥騰山峙拂階一把銀絲委金羈脫兔勢無前  
踏鐵盤攢忽如倚淺髀大脰方爭塗忍使驪龍老垂耳  
倚風背立非背恩馱錦秋高為君起

韓幹畫照夜白圖

四首

元  
王惲

開元天子燕遊多一骨承恩玉色瑳所養自來非所用  
雨中蜀棧要青驪

纓紱騶衣一色紅玉華光照苑門空昭陵六駿秋風裏  
辛苦文皇百戰功

沈香亭下牡丹芳宮漏穿花夜未央輦路傳呼停鳳燭  
內家歸詫玉麟光

政捐金鑑九齡歸聲色糊塗醉不知天意種深天寶禍  
故生尤物配妖姬

題子昂照夜白

元戴表元

風前新解錦鞍韉雪色模糊霧色寒此物人間無處著  
千金祇得畫圖看

戲題明皇照夜白圖

元丁鶴年

天上麒麟天下稀月中幾送八姨歸君王寓目應追悔  
誤看乘鸞度羽衣

題竹間翁白馬圖

元丁鶴年

誰識驂騑汗血中靜團晴雪動生風一從選入天閑內

不覺人間萬馬空

玉跼騶圖

元 吳師道

滿身霞彩尾蕭梢玉跼騰凌意氣驕  
牽向赤墀人駐目只疑踏雪未曾消

玉豹圖

元 方回

龔侯之先楚兩龔遠孫挺挺有祖風  
五鼎食肉不挂意萬卷讀書曾用功  
草字隸字各神妙古詩律詩俱豪雄  
雖有一癖好畫馬不比人間凡畫工  
颯爽脩髯雪三尺

長安市上無人識等閒幅紙寫驊騮或者終身求不得  
我未嘗求忽得之袖出玉花驄一匹開卷如聞嘶風聲  
蹴踏青天砲霹靂曹伯昔遇唐明皇畫出此馬真龍驤  
黃金拜賜南薰殿赫奕門戶生輝光昇平難保金易散  
晚歲奔波逃戰場却得少陵詩一首名撐宇宙相悠長  
龔侯不干萬乘主但欲追尋窮杜甫老筆一洗韓幹肉  
天閑至寶落環堵詩非杜甫畫勝曹無乃心神漫勞苦  
龔侯此筆游戲耳別有文章垂萬古

奉題子昂騶馬圖

元 楊維禎

西家驍騎驍如龍，鼻端生火耳生風。  
東家老段老且蹇，有如征南矍鑠翁。  
西家公子誇遠服，千里之行一日速。  
東家主人役老段，不取驍騰取馴伏。  
主人公子性各殊，愛驍愛段知何如。  
若將夔蛇較足下，胡敢並轡爭齊驅。  
明朝西家蹄一蹙，解鞍折臂中道歇。  
道傍回首鳴向天，蹴躓風塵愁跛鼈。  
坐令公子心火然，顧瞻老段行在前。  
嗚呼世步誰後先，東家莫厭遲遲鞭。

題驀裏圖

宋 秦觀

雙瞳夾鏡權協月尾鬣蕭森澤於髮鞍銜不施韁復脫  
旁無馭者氣騰越地如砥平丘隴滅天寒日暮抱飢渴  
驤首號鳴思一發超軼絕塵入恍惚東門金鑄久銷歇  
曹霸丹青亦云沒賴有龍眠戲揮筆眼前時見千里骨  
玉臺閭闔相因依嗟爾龍媒空自奇鸞旗日行三十里  
焉用逐風追電為

驀網圖

元 宋 无

劍閣清塵犯屬車  
綱羸馱得荔枝無  
却嫌畫史才情少  
不作承平舞馬圖

御定歷代題畫詩類卷一百三



欽定四庫全書

御定歷代題畫詩類卷一百四目錄

獸類

題李伯時所畫開元御馬圖

元王惲

夢中又賦開元御馬圖

元王惲

申王畫馬圖

宋蘇軾

唐申王畫馬歌

元王惲

跋唐申王畫馬圖

元王惲

韋諷錄事宅觀曹將軍畫馬圖引

唐杜甫

丹青引贈曹將軍霸

唐杜甫

曹霸畫馬

宋郭祥正

曹霸畫馬

元虞集

題曹將軍馬圖

元陳基

蘇君廳觀韓幹馬障歌

唐顧雲

書韓幹牧馬圖

宋蘇軾

次韻子由詩李伯時所藏韓幹馬

宋蘇軾

賦黃任道韓幹馬

宋王令

次韻子瞻和子由觀韓幹馬因論曹伯時畫天馬

宋黃庭堅

讀蘇子瞻韓幹馬圖

宋張耒

再和馬圖

宋張耒

題韓幹馬圖

宋張耒

蕭朝散惠石本韓幹馬圖

宋張耒

題韓幹畫馬

宋韓駒

韓幹畫馬闕四足龍眠搨而全之 宋劉子翬

臨韓幹馬 金趙秉文

題韓幹畫馬圖 元王惲

韓左軍馬圖卷 元錢選

韓左軍馬圖卷 元韓性

韓幹馬 元虞集

韓幹馬 元揭傒斯

題韓幹畫馬圖 明僧宗衍

題壁上韋偃畫馬歌

唐杜甫

題韋偃馬

宋黃庭堅

題伯時馬

宋黃庭堅

題伯時天育驃騎圖

宋黃庭堅二首

觀伯時畫馬

宋黃庭堅

次韻黃魯直畫馬試院中作

宋蘇軾

和王晉卿題李伯時畫馬

宋蘇軾

題趙尊道龍眠渥洼圖

宋樓鑰

戲題龍眠馬性圖

宋樓鑰

題李伯時畫馬

宋王庭珪

龍眠畫馬

金元德明

劉善長出示李伯時畫馬圖

金朱弁

李伯時馬

元程鉅夫

李伯時馬

元劉因

題伯時馬

元吳澄二首

龍眠畫馬

元馬祖常

欽定四庫全書

御定歷代題畫詩類

御定歷代題畫詩類卷一百四目錄



欽定四庫全書

御定歷代題畫詩類卷一百四

獸類

題李伯時所畫開元御馬圖

元王惲

閱武驪山是近游  
霜蹄蹴踏厭長楸  
料應扈從東封了  
一片雲烟赤岸秋

夢中又賦開元御馬圖

元王惲

毛龍天降馭龍韜  
歷塊過都乃爾曹  
安得錦韉三萬騎

冷浮秋水下江皋

申王畫馬圖

宋蘇軾

天寶諸王愛名馬千金爭致華軒下當時不獨玉花驄  
飛電流雲絕瀟灑兩坊岐薛寧與申馮凌內廄多清新  
肉髮汗血盡龍種紫袍玉帶真天人驪山射獵包原隰  
御前急詔穿圍入揚鞭一蹴破霜蹄萬騎如風不能及  
雁飛兔走驚弦開翠華按轡從天回五家錦繡徧山谷  
百里舄珥遺纖埃青螺蜀棧西超忽高準濃蛾散荊棘

首蒼連天鳥自飛五陵佳氣春蕭瑟

唐申王畫馬歌

元王惲

花萼樓前閱庭實布乘黃朱笑羣辟奔虹凝露故家物  
詔寫真形出東壁申王天矯龍一種揮灑元精固無匹  
龍池十日霹靂聲房駟無光韋偃泣十年事往失所在  
此紙流傳見真跡明窗不厭百回看飛電流雲帳猶溼  
當時圖畫樂昇平轉首雲霓散榛棘儲皇纔藉河隴餘  
旋復廓清唐再闢物盛而衰固有時校以倉皇易為力

漢家拓地封狼北萬騎騰凌已無敵更求駿骨張吾軍  
一紙風飛能事畢雖云中夏號雄強富不民藏孰共億  
聖謨經世了不刊收卷入囊三歎息

跋唐申王畫馬圖

元王惲

內府曾觀鐵筆驄又於此紙得真龍却疑決電奔虹興  
不到少陵題品中

韋諷錄事宅觀曹將軍畫馬圖引

唐杜甫

國初以來畫鞍馬神妙獨數江都王將軍得名三十載

人間又見真乘黃曾貌先帝照夜白龍池十日飛霹靂  
內府殷紅瑪瑙盤婕妤傳詔才人索盤賜將軍拜舞歸  
輕紈細綺相追飛貴戚權門得筆跡始覺屏障生光輝  
昔日太宗拳毛騶近時郭家獅子花今之新圖有二馬  
復令識者久嘆嗟此皆騎戰一敵萬縞素漠漠開風沙  
其餘七匹亦殊絕迥若寒空動烟雪霜蹄蹴踏長楸間  
馬官廝養森成列可憐九馬爭神駿顧視清高氣深穩  
借問苦心愛者誰後有章諷前友遁憶昔巡幸新豐宮

翠華拂天來向東騰驤磊落三萬匹皆與此圖筋骨同  
自從獻寶朝河宗無復射蛟江水中君不見金粟堆前  
松柏裏龍媒去盡鳥呼風

丹青引贈曹將軍霸

唐  
杜甫

將軍魏武之子孫於今為庶為青門英雄割據雖已矣  
文采風流今尚存學書初學衛夫人但恨無過王右軍  
丹青不知老將至富貴於我如浮雲開元之中常引見  
承恩數上南薰殿凌煙功臣少顏色將軍下筆開生面

良相頭上進賢冠，猛將腰間大羽箭。  
褒公鄂公毛髮動，英姿颯爽來酣戰。  
先帝天馬玉花驄，畫工如山貌不同。  
是日牽來赤墀下，迴立閭闔生長風。  
詔謂將軍拂絹素，意象慘淡經營中。  
斯須九重真龍出，一洗萬古凡馬空。  
玉花却在御榻上，榻上庭前屹相向。  
至尊含笑催賜金，圉人太僕皆惆悵。  
弟子韓幹早入室，亦能畫馬窮殊相。  
幹惟畫肉不畫骨，忍使驂駟氣凋喪。  
將軍畫善蓋有神，必逢佳士亦寫真。  
即今漂泊干戈際，屢貌尋常行路人。

途窮反遭俗眼白世上未有如公貧但看古來盛名下  
終日坎壈纏其身

曹霸畫馬

王荆公手寫杜甫  
丹青引跋其尾

宋 郭祥正

曹將軍畫少陵詩林氏家藏相國題不動精神瞻御座  
風雲萬里入霜蹄

題曹霸馬

元 虞集

將軍今為庶畫馬寄高情聚立天風起長嘶沙草生飛  
揚萬里意凌亂五星精日暮太行道悲哉長短行



題曹將軍馬圖

元陳基

神駒生長渥洼中一匹能令冀北空  
貌得真龍九重上將軍筆法老逾工

蘇君廳觀韓幹馬障歌

唐顧雲

杜甫歌詩吟不足可憐曹霸丹青曲  
直言弟子韓幹馬畫馬無骨但有肉  
今日披圖見筆跡始知甫也真凡目  
秦王學士居武功六印名家聲價雄  
乃孫屈跡寧百里好奇學古有祖風  
竹廳斜日夾碁散延我直入書齋中

屹然六幅古屏上，歛見胡人牽入天殿之神龍。麟鬚鳳  
臆真相似秋竹，慘慘披兩耳輕勻杏蕊。糝皮毛細，撫銀  
絲，揀鬚尾。思量動步應十里，誰見初離渥洼水。眼前只  
欠燕雪飛蹄下，如聞朔風起。朱崖謫掾從亡歿，更有何  
人鑒奇物。當時若遇燕昭王，肯把千金買枯骨。

書韓幹牧馬圖

宋蘇軾

南山之下汧渭之間，想見開元天寶年。八坊分屯隘秦  
川，四十萬匹如雲烟。駉駉騶駼驟白魚，赤兔騂皇

駘龍顧鳳頸猗且妍奇姿逸德隱驚頑碧眼胡兒手足  
鮮歲時剪刷供帝閑柘袍臨池侍三千紅妝照日光流  
淵樓下玉螭吐清寒往來蹴蹋生飛湍衆工舐筆和朱  
鉛先生曹霸弟子韓廐馬多肉尻腴員肉中畫骨誇尤  
難金羈玉勒繡羅鞍鞭筆刻烙傷天全不如此圖近自  
然平沙細草荒芊緜驚鴻脫兔爭後先王良挾策飛上  
天何必俛首服短轅

次韻子由詩李伯時所藏韓幹馬

宋

蘇軾

潭潭古屋雲幕垂省中文書如亂絲忽見伯時畫天馬  
朔風胡沙生落錐天馬西來從西極勢與落日爭紛馳  
龍膺豹股頭八尺奮迅不受人間羈元狩虎脊聊可友  
開元玉花何足奇伯時有道真吏隱飲啄不羨山梁雌  
丹青弄筆聊爾耳意在萬里誰知之幹惟畫肉不畫骨  
而況失實空餘皮煩君巧說腹中事妙語欲遣黃泉知  
君不見韓生自言無所學廐馬萬匹皆吾師

賦黃任道韓幹馬

宋王令

天寶天子盛天廐吐蕃入馬上天壽紫衣馭吏偏坐前  
騎入都門不容驟西極首肯得氣肥六閑飛黃臥羞瘦  
千秋殿下誰把筆當時人無出幹右傳聞三馬同日死  
死魄到紙氣方就鐵勒夾口重兩銜墨絲巾尾合雙紐  
天門未上人就觀老胡驚嗟失開口生搜朔野空毛羣  
死斷世工無後手當時天子惜不傳送入御府置官守  
胡塵勃鬱煥然來宮闕蕭騷既焚後誰棄千金赤手收  
足踏萬里避奪走幾經蹂躪道邊塵今日寧無紙上垢

罇前病客不識畫但驚馬氣世未有西北駿骨無時無  
生不逢幹死空朽世手無能不肯休任使氣骨陋如狗  
次韻子瞻和子由觀韓幹馬因論伯時畫天馬

宋  
黃庭堅

子開花驄龍八尺看雲不受絡頭絲西河驄作葡萄錦  
雙瞳夾鏡耳卓錫長楸落日試天步知有四極無由馳  
電行山立氣深穩可耐珠韉白玉羈李侯一顧歎絕足  
領畧古法生新奇一日真龍入圖畫在垆羣雄望風雌

曹霸弟子沙苑丞喜作肥馬人笑之李侯論幹獨不爾  
妙盡骨相遺毛皮翰林評畫乃如此賤肥貴瘦渠未知  
況我平生賞神駿僧中云是道林師

讀蘇子瞻韓幹馬圖

宋張耒

我雖不見韓幹馬一讀公詩如見者韓生畫馬常苦肥  
肉中藏骨以為奇開元有臣善司牧四十萬匹屯山谷  
養之罕用食之豐力不曾施空長肉韓生圖像無乃似  
我謂韓生巧未至君不見昔時騏驎人未得飢守鹽車

唯有骨昂藏不受塵土侵伯樂未來空佇立騏驎乏食  
肉常臞韓生不寫瘦馬駒誰能為驥傳之圖不如凡馬  
飽青芻

再和馬圖

宋張耒

我年十五遊關西當時唯揀惡馬騎華州城西浴鐵馬  
勇士十人不可羈牽來當庭立不定兩足人立迎風嘶  
我心壯此寧復畏按鞍躡蹻乘以馳長衢大呼人四走  
腰穩如植身如飛橋邊爭道挽不止側身逼墜壕中泥



懸空十大才一擲我手失轡猶攢蹄迴頭一躍已在岸  
但見滿道人嗟咨關中地平草木短盡日散漫游忘歸  
驅馳寧復受鞭策進止自與人心齊爾來十年我南走  
此馬嗟嗟入誰手楚鄉水國地卑汙人盡乘船馬如狗  
我身未老心已衰夢寐時時猶見之想圖思畫忽有感  
況復慷慨吟公詩達人過境貴不惑世有尤物常難得  
寧能使我即無情搔首長歌還歎息

題韓幹馬圖

宋張耒

頭如翔鸞月頰光背如安輿鳬臆方心知不載田舍郎  
猶帶開元天子紅袍香韓幹寫時國無事綠樹陰低春  
晝長兩髯執轡儼在傍如瞻馳道黃屋張北風揚塵燕  
賊狂殿中萬馬歸范陽天子乘驟蜀山路滿川首肯為  
誰芳

蕭朝散惠石本韓幹馬圖

馬亡後足

宋張耒

世人怪韓生畫馬身苦肥幹寧忍不畫驥骨當時殿馬  
君未知開元太平國無事戰馬卷甲飽不騎玉關索駝

通萬里長安第宅連諸姨笙歌錦繡遍一國六龍長開  
空食粟霜甜秋草沙苑遊日暖春波渭川浴睢圓腰穩  
目生光細尾豐膺毛帖肉珠鞍玉韉騎不行豈有塵埃  
侵四足韓生丹青寫天殿磊落萬龍無一瘦豈知車下  
骨如牆飢齧草根刺傷口君家古圖才半身千里騰驤  
已有神迴身側顧不無意剪駿絡頭嗟失真君不見太  
宗戰馬拳腹毛身騎此馬縛羣豪龍虎精神金鼓氣豈  
有閑地供脂膏至今畫圖快胃臆想見虬鬚親破賊那

知但愛廐中肥  
漁陽筋脚蹄如石  
神駒入水隨烟雲  
蜀山石路無行人  
六驥悲鳴足流血  
騎驃遺事一酸辛

題韓幹畫馬

宋韓駒

古畫仍藏古錦囊  
故人攜得自瞿塘  
僊僮作馬應羞見  
羌戶方調兩驕驢

韓幹畫馬闕四足龍眠搨而全之

宋劉子翬

吾聞兩臂天下重  
馬失四蹄將底用  
平生想像萬里逝  
對此惟心惻然動  
得非曾落駑駘羣  
踈脫泥塗良已勤

又疑逸氣厭拘係絕蹠徑欲超浮雲諦觀事乃不爾劇  
破練丹青老無色軒昂自有尊足存顧盼一抹陰山碧  
韓生筆法妙此圖龍眠搨出了不殊斷鼇自昔徒聞說  
續鳬雖工計已疎何如染作滄江遠明滅要看追風蹴  
微雪

臨韓幹馬

金趙秉文

秋日平原看肉飛千金市骨眼中稀世間賴有丹青手  
韓幹丹青又已非

題韓幹畫馬圖

元 王 惲

火輪凝空汗如洗老坐烏臺簿書裏韓君忽出天馬圖  
蕭颯朔風生駿尾吁嗟此馬來西極細看一骨千金直  
當時開元監牧盛赤岸千羣雲錦織奚官袍帶蒼髯戟  
碧眼深藏九方識豈其此骨獨當御轉盼君恩仗前立  
幾年危從東封還霜蹄蹴踏長楸間驪山武事厭不講  
剪刷日應供帝閑鸞旗百里臨潼道華清宮殿春風早  
黃金羈勒玉花駿遊幸君為玉環老幹為供奉屬車塵

思入星精奪天巧興來承詔貌真龍冀北驂騮歸一掃  
古人畫馬需神品骨相權奇氣深穩將軍曹霸幹所師  
萬古丹青少陵引韓公得法固入空千丈光輝誰所準  
自經題品雪堂仙韋僊龍眠徒滾滾嗟予何者牛馬走  
開卷賦詩還自哂韓卿朝騎御史驄暮擊凡禽健秋隼  
更煩牢鎖玉麒麟隄備雷風轟秋岑

韓左軍馬圖卷

元錢選

韓公胸次有神奇寫得天閑八尺駒曾為岐王天上賜

不隨都護雪中驅霜蹄奮迅追飛電鳳首昂藏似渴鳥  
春草青青華山曲三邊今日已無虞

韓左軍馬圖卷

元韓性

五花雲散紫電光繫維未許飛龍驤垂頭欲就圉人飲  
渴烏作勢吞銀潢長安畫史擅筆力萬里猛氣收毫芒  
羽人乘風倦鞍勒一笑收拾藏巾箱世人不識真驕驪  
顧影尚爾分驪黃放鶴峰前有遺意神駿政可誇支郎

韓幹馬

元虞集



開元沙苑蒺藜秋韓幹新圖總不收天廐真龍奇骨在  
故知臣甫負驂騑

韓幹馬

元 揭傒斯

韓幹畫出曹將軍幹惟畫肉猶逼真昂藏四顧欲飛去  
老奚安知馬有神想當此馬未畫時朝刷吳越暮燕秦  
頓轡長鳴風動地不數驂騑與騏驎當時用舍那知許  
粉墨蕭條尚雄武千金駿骨何足論萬世長留羣玉府

題韓幹畫馬圖

明 僧宗衍

唐朝畫馬誰第一韓幹妙出曹將軍此圖無乃幹所作  
世上有若真空羣雙腫精焚兩耳立蘭筋束骨皮肉急  
何年霹靂起龍池五花一團雲氣濕當年天子少馬騎  
遠來烏孫詔寫之即今內廐多如蟻縱有騏驎畫者誰

題壁上韋偃畫馬歌

唐杜甫

韋侯別我有所適知我憐君畫無敵戲黏秃筆埽驂騮  
歛見騏驎出東壁一匹齟草一匹嘶坐看千里當霜蹄  
時危安得真致此與人同生亦同死

題韋偃馬

宋黃庭堅

韋侯常喜作羣馬杜陵詩中如見畫忽開短卷六馬圖  
想見詩老醉騎驢龍眠作馬老更妙至今似覺韋偃少  
一洗萬古凡馬空句法如此今誰工

題伯時馬

宋黃庭堅

我觀李侯作胡馬置我敕勒陰山下驚沙隨馬欲暗天  
千里絕足略眼跨一作過自當初駕沙苑丞豈復更數將

軍霸李侯今病廢右臂此圖筆妙今無價

題伯時天育驃騎圖 二首

宋 黃庭堅

玉花照夜今無種，櫪上追風亦不傳。  
想見真龍如此筆，蒺藜沙苑草迷川。

明窗槃礴萬物表，寫出人間真乘黃。  
邂逅今身猶姓李，可非前世江都王。

觀伯時畫馬

宋 黃庭堅

儀鸞供帳饗蟲行，翰林濕薪爆竹聲。  
風簾官燭淚縱橫，木穿石槃未渠透。  
坐窗不遨令人瘦，貧馬百日逢一豆。

眼明見此五花驄，徑思著鞭隨詩翁。城西野桃垂小紅，

次韻黃魯直畫馬

試院  
中作

宋蘇軾

少年鞍馬勤遠行，臥聞齟草風雨聲。見此忽思短策橫，  
十年髀肉磨欲透。那更陪君作詩瘦，不如芋魁歸飯豆。  
門前欲嘶御史驄，詔恩三日休老翁。羨君懷中雙橘紅，  
和王晉卿題李伯時畫馬

宋蘇軾

督郵有良馬，不為君所奇。顧收紙上影，駿骨何由歸。  
一朝見紫策，蟻封驚肉飛。豈惟馬不遇，人已半生癡。

題趙尊道龍眠渥洼圖

有序

宋樓鑰

趙尊道制幹以龍眠渥洼圖示余余曰誤矣本  
韓幹馬東坡外為賦詩考此龍眠所臨而以後  
為前俾易之為寫坡詩於後而次其韻馬實十  
六坡集詩云十四匹豈誤耶

良馬六十有四蹄騰驤進止紛不齊權奇倜儻多不羈  
亦有顧影成驕嘶或行或涉更相顧交頸相靡若相語  
畫出老杜沙苑行將軍弟子早有聲中間名種雞羣鶴

無復瘦瘡烏暮咏當時玉花可媒龍後日去盡烏呼風  
開元四十萬匹馬俯仰興亡空見畫龍眠妙手欲希韓  
莫遣鐵面關西看

戲題龍眠馬性圖

宋樓鑰

狗子已知無物性馬又何曾有性來伯樂若來休著眼  
任他騏驎混駑駘

題李伯時畫馬

宋王庭珪

秃筆戲掃凡馬空人間始識天廐龍山城逼窄那得有

注目萬里生長風奚官緩牽紫絲鞵好頭不著黃金籠  
時平諸蕃盡入貢此是玉花于闐驄

龍眠畫馬

金  
元德明

驪黃求馬世皆然滅沒存亡自一天當日鹽車人不識  
只今空向畫中傳

劉善長出示李伯時畫馬圖

金  
朱升

俯首舉尾拳一蹄掣韁欲嗅驕不嘶奚官聳肩兩足垂  
意貌自與造父齊雞目麟鬚鳳皇臆玉山禾遠未容食



簡雲追電有餘地置之畫圖人豈識精神權奇孰可班  
當在白兔青龍間君知此馬從何來龍眠胸中十二閑

李伯時馬

元  
程鉅夫

龍眠畫馬真是馬一匹猶當萬金價參差粉墨見龍媒  
渴飲長江柳陰下我今老病無所求但願早賜歸林邱  
肩輿飽飯百不憂閒看稚子騎犁牛

李伯時馬

元  
劉因

足不能行氣自馳天機深處幾人知世間無物能形此

除我南窗兀坐時

題伯時馬

二首

元 吳澄

四足追風捷羽翰有誰伯樂是奚官如今萬里青雲步  
漫作人間畫卷看

驍壯雲連力氣粗慣看馳突暗中都如何得此真龍種  
消得千金買畫圖

龍眠畫馬

元 馬祖常

海國秋生漢使槎麝煤誰畫濯龍駒只今聖主如文帝

留待時巡駕鼓車

御定歷代題畫詩類卷一百四

欽定四庫全書

御定歷代題畫詩類卷一百五目錄

獸類

跋徽宗畫馬圖

元王惲

徽宗臨張萱宮騎圖

元王惲二首

宣和畫馬

元程鉅夫

宣和御馬圖

明王禕

徽宗馬圖

明王世貞

題顯宗承華殿墨戲

元王惲

承華殿墨戲圖

元王惲二首

題楊祕監畫馬

金趙秉文

楊祕監馬圖

元元好問

題子昂馬圖

元鄧文原

天曆改元十月題子昂馬

元虞集

子昂畫馬

元虞集

子昂人馬圖

元袁桷

題趙文敏公畫馬

元張翥

題趙子昂畫馬歌

元陳泰

趙松雪畫馬

元鄭元祐

松雪馬圖

元倪瓚

趙榮祿馬圖

元倪瓚

正月八日宿禪悅僧舍題趙榮祿馬圖

元倪瓚

琦元璞所藏趙子昂馬圖

明周致堯

松雪翁畫馬

明李廷興

趙松雪畫馬

明劉淳

子昂畫馬卷

明李東陽

趙魏公畫馬

明劉師邵

子昂馬圖

明嚴嵩

題趙松雪畫馬

明沈周

題松雪畫馬

明無名氏

題趙松雪馬圖

明僧來復

仲穆臨李龍眠唐馬

元鄭元祐



題仲穆畫唐馬

元于立

題趙仲穆畫馬

明貝瓊

題趙仲穆彥徵畫馬

明錢宰

題趙仲穆畫馬

明俞貞木

題趙仲穆彥徵畫馬

明錢用壬

題王侍御敬止所藏仲穆馬圖

明文徵明

舜舉馬

元牟獻

題舜舉馬

元吳澄

舜舉畫馬歌

元范梈

題錢舜舉馬圖

明劉基

任月山畫馬

元華幼武

題任月山畫馬

元錢惟善

題李早畫馬

元黃潛

李早馬圖

元鄭元祐

題陳閔畫唐人馬圖

元于立

金太子允恭唐人馬

元劉因

姚子昂畫馬

元李俊民

題宋成之畫馬卷

元曹伯啓

題鄧蓀壁所藏龔處士畫馬卷

元馬臻

同吳正傳詠龔巖叟小兒騎馬圖

元吳萊

題鶴亭所藏馬圖

元張雨

恭題宣廟御筆畫馬

明張鳳翼

宣宗皇帝畫馬圖

明祝允明

題張方伯畫馬

明陳煒

同年吳克明知嘉定為題馬圖

明吳寬

題朱給事所藏馬圖

明楊士奇

為大理寺丞馬麟題畫馬

明金幼孜二首

御定歷代題畫詩類卷一百五目錄

欽定四庫全書

御定歷代題畫詩類卷一百五

獸類

跋徽宗畫馬圖

元王惲

為愛瑤池噴玉龍  
麝烟移入畫圖中  
宣和殿上揚休處  
忘却熙河汗馬功

徽宗臨張萱宮騎圖

二首

元王惲

缺袴頽衫玉帶圍  
駿華翻影下瑤池  
老徽筆底無留思

貌盡春風出閣儀

碧暈紅綢思有餘  
較來經國太工夫  
大風歌裏雲飛遠  
不畏高皇笑殺渠

宣和畫馬

元程鉅夫

夜半房星下九闕  
渥洼龍種入天閑  
宣和得此渾無用  
神駿雄爭粉墨間

宣和御馬圖

明王禕

睿思東閣倚闌干  
貌得龍駒帶笑看  
回首天閑成寂寞

青城塵土晝漫漫

徽宗馬圖

明王世貞

天閑萬馬盡權奇  
寫出丹青意自悲  
長白山頭三萬匹  
可令龍種一雄嘶

題顯宗承華殿墨戲

元王惲

大青小青兩龍種  
承華墨戲真天人  
春宮欲見昇平事  
立仗歸來不動塵

承華殿墨戲圖

二首

元王惲

天廡雲屯八尺龍  
總輸神駿付青宮  
細看絕電流雲筆  
天寶諸王恐未工

主人愛馬憐神駿  
一骨千金什襲藏  
却恐雷霆還下取  
九重天上看龍驤

題楊祕監畫馬

金趙秉文

楊侯詩人寓於畫  
後身韓幹前身霸  
驂駟萬匹落人間  
一紙千金不當價  
曾見先帝麝香驄  
紙上飛出天池龍  
至今畫史比良樂  
一洗萬古凡馬空  
時於畫骨歎奇跡



二百年來無此筆艱難常恨少神駒掩圖獨抱龍媒泣

楊祕監馬圖

元元好問

天閑誰省識真龍金粟堆前草色空忽見畫圖疑是夢  
東華馳道麝香驄

題子昂馬圖

元鄧文原

奔騰駿骨雲路長瀟灑神髮風露涼沙場春牧草肥雨  
野徼秋嘶楓隕霜三關戰士黃金甲五陵俠客紅絲韁  
朝羈暮絡祗腸斷華山煙樹遙蒼蒼

天厯改元十月題子昂馬

元虞集

朝廷無事日從容  
太僕承恩出九重  
前代王孫今閣老  
只畫天閑八尺龍

子昂畫馬

元虞集

憶昔從公侍書殿  
天閑過目如飛電  
池邊儘有吮豪人  
神駿誰能誇獨擅  
公今騎鯨隘九州  
人間空復看驂駟  
惟應御氣可相逐  
黃竹雪深千萬秋

子昂人馬圖

元表楠

飄騰天山霧盪摩玉京雲耿耿萬里姿矯首空其羣乃  
翁愛神駿泚筆五采分翁歸侍帝所乘化觀芸芸彼亦  
與之俱追風超九垓

題趙文敏公畫馬

元張翥

君不見漢家將軍求善馬戰骨縱橫血流野歸來作歌  
薦宗廟寧悲鬼哭宛城下何如聖代德所懷入獻磊落  
皆龍媒右牽者誰懸且偲萬里知自宛沙來眼光鏡懸  
蹄跣促老奚識性仍善牧時巡之外游幸稀飽秣原頭

春宵猶吳興學士藝絕倫妙處直似曹將軍只今有馬  
無此筆誰與寫之傳世人為君甘老駑駘羣

題趙子昂畫馬歌

元陳泰

九原駿骨埋地中一夕盡化霜皮松畫史剗松作神墨  
埽出麒麟帶松骨煙沙漠漠披風鬃精氣炯炯房星同  
天山無人草木白西極日沒黃河東時平使汝困轅輓  
不得變化騰為龍黃金擲送燕臺下當日君王惜高價  
自從汗血去人間老死英雄空見畫千年祇說曹將軍

弟子韓幹終無聞今之畫者趙翰林嗚呼三晉賢子孫

趙松雪畫馬

元鄭元祐

地用莫如馬壺頭竟何施寒風善相不假式胡必郭家  
口齒謝家馨神駒龍變如何按式取譬之圖畫八駿令  
人嗤君不見房星精飛光夜流曳練明漢家都廐盡凡  
骨冀之北土龍方生兒能引弓射鳥鼠便解騎過宛王  
城玉堂學士親眼見貌得風蹄燿流電山人半世只步  
行髀肉何曾識鞍韉每每作詩題馬圖千金駿骨世所

無人間空費粉墨摹玄黃牝牡真成誣

松雪馬圖

為原道題

元倪瓚

渥洼龍種思翩翩來自元貞大德年今日鷗波遺墨在  
展圖題咏一悽然

趙榮祿馬圖

元倪瓚

嘗聞唐開元時畫馬曹將軍妙合變化神紛紜少陵為  
作歌其詞藹如雲又聞宋元祐之中李龍眠畫法奄出  
將軍前蘇黃二子誇神駿險語驚飛蛟蟄困國朝天馬

來西極振鬣駑駘為辟易玉堂學士寫真龍筆陣長驅  
萬人敵學士歌詩清且腴當時作者數楊虞畫成題咏  
兩奇絕價比連城明月珠吁嗟天馬天一隅寶繪於今  
亡矣夫學士多師內廐馬得法豈在曹李下俗工未解  
知神妙此日罷駑遍區夏好事流傳亦苦心誰為幽賞  
伯牙琴獨悲蘭亭繭紙隨零雨轉覺臨寫紛紛費毫楮  
正月八日宿禪悅僧舍題趙榮祿馬圖

元  
倪瓚

小僧院裏無塵事夜雨燈前興不孤  
寥寥說竟無生話  
更覽王孫駿馬圖

琦元璞所藏趙子昂馬圖

明周致堯

進御歸來日未西落花芳草滿春泥  
也知樞上無凡馬  
牽過天閑不肯嘶

松雪翁畫馬

明李延興

西海之西天地翕合敷靈氛天產天骨超崑崙  
崑崙月窟而  
東而北幾萬里是馬乃能簡星辰踰渤澥埽空冀北凡



馬羣曹將軍是開元以來善畫者蚤以絕藝動紫宸不  
問驪黃與牝牡筆力到處春無垠往時嘗見一二本世  
之畫者徒紛紛吳興學士昔在詞林館畫人畫馬咄咄  
能逼真玉堂朝日射碧瓦瑣窗晴雪吹青春文章之暇  
奉詔寫龍種冰綃萬幅清無塵此圖神采更飄逸妙處  
不減曹將軍飛雲滿空散靈雨五花凌亂曉濕蒼龍文  
人言此是明皇御愛者天香滄鬱飄滿身瑤池渴飲雪  
澗瀼霜蹄迴踏雲嶙峋黃鬚圉官似是太僕張景順自

幼調馬馬亦馴想當牽來赤墀下皎如飛龍下天門山  
齋看畫白畫靜丹粉如沐清心魂龍門一逝九霄隔龍  
沙泱泱霜風昏縱令有馬無善畫誰與寫之傳世人吳  
興自是古作者高風遠韻不可聞九京安得起公死請  
公為我放筆電掃層空雲陳君愛畫不翅南金與西玉  
百迴展玩當爐熏南金西玉可力致嗟此神物質然獨  
立而無鄰嗚呼神物為物固有神直恐變化為龍飛上  
清都紫微之帝閭

趙松雪畫馬

明 劉 溥

王孫畫馬世無敵一畫一迴飛霹靂千里長風入彩毫  
平沙碧草春無跡硯池想是通渥洼突然走出白鼻騮  
翻濤浴浪動光彩雲影滿身堆玉花玉花連錢汗流血  
駿尾捎風蹄踣鐵何時騎得似畫中踏破陰山古時雪

子昂畫馬卷

明 李東陽

翰林學士真天人平生書畫皆通神自言少小嗜毫素  
寸紙遍作雲煙痕老來意態盡物理畫馬欲過曹將軍

此圖似出西域種骨法權奇氣軒聳將身蹴地跼不前  
矯首見人驚欲踊燕家死馬猶堪買況此風神解飛動  
在野須教一顧空登臺未覺千金重崔郎愛畫復好奇  
向來得此信且疑為渠指點是真跡老我聰明非昔時  
圖窮忽見銀鉤筆復訝驪珠海中出江南贗本今已多  
入眼自須分甲乙世人得者惟見一至寶逢時故難匹  
從此高堂展翫頻明窗淨几無長日

趙魏公畫馬

明  
鎰師邵

浚儀王孫善畫馬神妙不在江都下朝退從容白玉堂  
意匠經營自揮灑我觀此圖誠偉哉清光夾鏡雙瞳開  
古來騏驎不易得此匹乃是真龍媒尾如流星汗成血  
萬里飛騰真電掣長風颯颯生四蹄百尺層冰蹴應裂  
雄姿眼底苦不多時無伯樂奈爾何駑駘伏櫪飽芻豆  
坐使神物成蹉跎君不見才高往往困泥滓世上英雄  
亦如此

予昂馬圖

題贈大梁  
李中丞

明嚴嵩

卷中此馬畫者誰毛鬣欲動骨法奇尺素能收上閑駿  
意態便欲隨風馳天閑十二紛相竄想是郊晴初出牧  
大宛雄姿宿應房渥洼異種龍為族金羈玉勒不須誇  
且看連錢五色花歛見麒麟出東樞還疑騶駟涉流沙  
沙邊青草茸茸起上有垂楊覆河水圉人騎放綠陰中  
參差駉牝成雲綺我觀此馬皆能過都厯塊捷有神安  
得蕃息日適河之濱榆關已撤烽煙警梁苑應同苜蓿  
春吳興妙手誰堪伍遺墨流傳自今古人間駕輩徒紛

紛哲匠旁求心獨苦擬將此幅比瓊瑤寄贈佳人雲路  
迢天闕昔曾窺立仗霜臺今復憶乘輅親持黃紙臨中  
土白日旌旗照開府臯夔事業待經邦韓范威名先震  
虜氛祲潛消塞北場河山坐鎮汴封疆戍卒歸來放戰  
馬嵩陽今作華山陽吁嗟乎宵旰憂勤猶拊髀殊勲早  
奏明光裏願徵頗牧入禁中坐令天下之馬休逸皆如  
此

題趙松雪畫馬

明沈周

隅目晶熒耳竹披江南流落乘黃婆千金價重無人識  
笑看胡兒買去騎

題松雪畫馬

明闕名

塞馬肥時苜蓿枯奚官早已著貂狐可憐松雪當年筆  
不識檀溪寫的盧

題趙松雪馬圖

明僧來復

振鬣長鳴產月支玉闕風急貢來時五花獅子真龍種  
賜出黃門不敢騎



仲穆臨李龍眠唐馬

元鄭元祐

龍眠畫馬妙入神貌得唐時馬與人人通馬語默相契  
馬知人意更相親文皇昔御六龍出天為聖主產騏驎  
開元馬牧蕃盛日更駕齧膝誰能馴自昔龍駒有天骨  
騏驎獨起秋輪囷西巡不復觴王母東歸政爾慙直臣  
馬圖流傳至汴宋玉驄紫燕聊前陳守文之君保成業  
不肯一日開邊塵遂寘驂騑鼓車下猛蛟失水無完鱗  
柏臺退休親貌得畫意殆逼曹韓真畫史纔知粉墨趣

卷一百五  
學士乃通元化因曹韓骨朽伯時死餘不溪上苔花春  
臨摹不得畫史意掩卷愁看誰與伸

題仲穆畫唐馬

元于立

大宛千里馬朱汗翠連錢夜秣玉關下曉呈金殿前橫  
門花似雨韋曲柳如煙虢國爭馳道將軍避繡鞭

題趙仲穆畫馬

明貝瓊

吾聞冀北之馬如雲照川谷八尺飛龍在天育灤河遠  
幸翠華遲柳林大獵金鞍簇是時四海為一家東踰日

本西流沙拂郎近獻兩驕驥不數郭家獅子花公子前  
身豈曹霸一馬真輕百金價黃金臺上倦為客白髮江  
南隨意畫駢駒駟駟各不同飲泉斲草落筆工君不見  
龍庭苜蓿與天遠何人更收青海驄

題趙仲穆彥徵畫馬

明錢宰

驄馬連錢新鑿蹄絡頭羈縶任官奚來從月窟真無價  
進入天閑不敢嘶雨露九重思冀北風塵千里下淮西  
解鞍知在休兵後楊柳平河春草齊

題趙仲穆畫馬

明俞貞木

房星夜隨墨池中飛出蒲梢八尺龍想像開元張太僕  
朝回騎過午門東

題趙仲穆彥徵畫馬

明錢用壬

吳興畫馬名天下文采風流美無價子孫兩世皆絕奇  
筆意經營亦相亞分明雙馬如雙龍玉花對立連錢驄  
圉人緩轡不敢鞚矯矯似欲鳴長風却想當年落筆時  
省郎得采初來歸深庭花落白畫靜紅門草綠春風微

回首光陰既非昔老者已逝難再得中原武騎更馳奔  
展卷令人三歎息

題王侍御敬止所藏仲穆馬圖

明文徵明

聲聲才情與世疎等閒零落傍江湖不應泛駕終難用  
閒看王孫駿馬圖

舜舉馬

元牟獻

常得奚官翦拂齊也思驤首一長嘶好隨便面章臺去  
柳色如烟路不泥

題舜舉馬

元 吳澄

近年錢趙二翁死直恐人間無馭馭駘駕駘羣裏忽得此  
萬里歸來日未西

舜舉畫馬歌

元 范梈

錢君畫人勝畫馬安得名驄妙天下青雲隱約見龍文  
有意軒昂駛華夏圉官山立頽而驕朱衣黑帶高帽尖  
問渠掌握詎有此牽控寧知人女嬃君不見才士受束  
縛往往因之縱寥廓

題錢舜舉馬圖

明劉基

吳興公子雅好奇，欲把丹青競天巧。  
花蜂柳鶯看已足，貌得驂騑圖更好。  
浪花滿身蹄削鑣，兩耳抽出春筍尖。  
風鬣欲拂九霄霧，隅目似挂高秋蟾。  
昨者王良失戰韉，封狼咆哮蛇豕闕。  
天閑乘黃越在野，出車未見歌南仲。  
嗚呼安得此馬背，負郭令公掃平四海歸。  
奏明光宮。

任月山畫馬

元華幼武

天馬從龍去空遺，粉墨看披雲五花白。  
蹴雪四蹄寒逸。

氣何深穩良材有急難苦心任水監直欲比曹韓

題任月山畫馬

元錢惟善

神駿蕭蕭白黑文  
圉人調習未能馴  
五陵年少黃金絡  
騎向長安不動塵

題李早畫馬

元黃潛

平沙如雪草如煙  
想見春風士馬閒  
玉勒錦韉塵土化  
畫圖流落尚人間

李早馬圖

元鄭元祐



外甥似舅明昌帝取法宣和尚工伎李早畫馬供奉時  
畫院森森嚴品第冀之北土馬所生早也想見房星精  
遂令龍媒出毫素側胸注目疑嘶鳴紈扇畫三騎郎君  
峭按轡窄衫繡襖四帶巾靴尖曾踢中州碎紫絨軍敗  
祁連山金鈿玉軸仍南還好事空餘扇頭馬至今拂拭  
塵埃間

題陳閔畫唐人馬圖

元于立

大宛直在玉關西萬里風沙入駿蹄一自殿前隨仗立

垂頭不肯向人嘶

金太子允恭唐人馬

元劉因

道人神駿心所憐  
天人龍種畫亦然  
房星流光忽當眼  
徑欲攬轡秋風前  
漢家金粟幾蒼烟  
江都筆勢猶翩翩  
東丹獵騎自豪貴  
風氣惜有遼東偏  
天人秀發長白山  
畫圖省識開元年  
金源馬坊全盛日  
四十萬匹如秦川  
天教劫火留此幅  
玉花浮動青連錢  
英靈無汗石馬復  
悲鳴真似泣金仙  
只今回首望甘泉  
汾水繁華雁影邊

奇探竟隨轍迹盡兀坐宛在驂駟先人間若有穆天子  
我詩當作祈招篇

姚子昂畫馬

元李俊民

雄姿卓立開天骨騰踏萬里如神速可憐不遇九方臯  
空使時人指為鹿自從大奴守天育無由更騁追風足  
中原一戰收乾坤白髮將軍髀生肉

題宋成之畫馬卷

元曹伯啓

奚官珍重玉花驄縱意清連碧草中幸際四庭烽火靜

不須騰踏待秋風

題鄧蓀壁所藏龔處士畫馬卷

元馬臻

金釘繩短駐霜蹄曾見先生手畫時精凝繭香回雪色  
氣隨神變發權奇華軒欲試丹青動絕筆無傳造化私  
今日有誰偏愛惜鄧公馬癖幾人知

同吳正傳詠龔巖叟小兒騎馬圖

元吳萊

北平後臂久不侯伏波矍鑠空持矛并州小兒十歲許

雙足捷走真驊騮金鞍玉勒絲轡絡肉鬣風髮雪斷鬕  
郊衢一躍自矜驕血氣未完先躡蹠漢皇神武駕英雄  
西極飛來八尺龍城東鬪雞爾尚可磧外鳴劍吾無功  
初陽却照長楸道白髮奚官泣枯草悠悠翠蓋與鸞旗  
老矣驊騮那得知

題鶴亭所藏馬圖

元張雨

九霄天馬俱龍種四十萬蹄雲錦斑一自漁陽鼙鼓後  
不知幾箇到驪山

恭題宣廟御筆畫馬

明張鳳翼

宣皇勤政慕陶唐  
咨訪時時入未央  
天廐解鞍閒駿馬  
詞臣不必賦長楊

宣宗皇帝畫馬圖

明祝允明

昔日宣皇履至尊  
堯章渙渙滿乾坤  
三千在御均承寵  
一匹雷恩便不羣  
馬法盡來空地類  
龍圖呈處是天文  
丹青不遂烏號去  
從此房星似掩昏

題張方伯畫馬

明陳煒

長安陌上柳鞭地十二閑閒散羣驥蘭筋鳳臆若游龍  
龍種生來盡神異良工寫意非寫形生綃半幅墜房精  
韋韓之妙不復作眼前畫者誰得名箇中憔悴老無力  
飼秣猶為人愛惜其他騷褻與驂騑阜圉分明動鞭策  
傍觀一馬殊不然霜蹄騰踏嘶向前汗血須驂六龍馭  
安得奚奴浪著鞭

同年吳克明知嘉定為題馬圖

明吳寬

吳卿別我吳門去手把橫圖索題句開圖見馬如見人

逸氣稜稜八尺身  
圉人騎渡燕河水  
萬里長風生兩耳  
歸來飽啖玉山禾  
吳門草青奈爾何

題朱給事所藏馬圖

明楊士奇

矯矯皆雄姿  
來從渥洼涘  
金羈未絡頭  
散誕春風裏  
試令剪拂效驅馳  
君看一日輕千里

為大理寺丞馬麟題畫馬

二首

明金幼孜

萬里曾思度玉門  
歸來立仗卸繁韉  
飽肥苜蓿風霜晚  
未老猶思報主恩



異種由來產渥洼  
曾看八貢度流沙  
幾迴牽向瑤池過  
新濯龍文照五花

御定歷代題畫詩類卷一百五